

ČILGEHUS:

1. Oahpaheaddji váldá ovdan fáttá seksuála gulahallan
2. Oahpaheaddji oahpásmahtta hárrjehusa
3. Oahppit váldet ovdan ovttá ja ovttá dilálašvuoda
4. Oahpaheaddji jođiha luohkkádigaštallama reflekterengažaldagaid birra

REFLEKTERENGAŽALDAGAT:

- Mii lea eanemus jáhkehahtti reagerenvuohki dán dilálašvuodas?
- Mat leat duođaleamos váikkuhusat dán dilálašvuodas?
- Mii lea beallelaččaid buoremus reagerenvuohki dán dilálašvuodas?

DILÁLAŠVUOHTA 1

Jens lea sakka liikostan Norai. Soai leaba ovttas feasttas ja Jensa mielas orru Nora irggastallamiin/ moarsastallamiin sutnje, muhto Nora lea viehka juhkan, nu ahte son ii dieđe sihkkarit. Son oaidná ahte Nora suoibu muhtun oadđinlatnjii, ja Jens fuolastuvvá ja háliida diehtit mo suinna manná. Son lea veallámin searnggas go son bohtá oadđinlatnjii ja son vellea su báldii ja jearrá sus mo manná. Nora ii vástit, muhto cummesta su. Soai cummástallaba ja Jens navdá sus lea dál vejolašvuotta anašit Norain.

Reflektere dilálašvuoda birra bajábealde gažaldagaid vehkiin.

DILÁLAŠVUOHTA 2

Ida ja su irgi leaba ovtastallan muhtun áiggi, ja Ida mielas livččii áigi anašit. Son njávkadišgoahtá irggi, gii reagere bures. Muhto go Ida nuolahišgoahtá irggi, de orru irgi Ida mielas nu jaska ja imaš. Lea de go irgi stirdu. Son jurddaša dat ferte leat dušše balu geažil, ja joatká.

Reflektere dilálašvuoda birra bajábealde gažaldagaid vehkiin.

DILÁLAŠVUOHTA 3

Adam lea feasttas joavkkuin mii lea ceahki bajábealde. Son ii leat olus juhkan ovdal, muhto dovdá ahte son

dál juhkaluvvagoahtá. Suffá čiegas čohkká Kristoffer, ustit. Adam liiko Kristofferii hui bures ja manná su lusa. Kristoffer orru leamen ilus su oaidnit, ja soai cummástallagoahtiba. Muhto fáhkkestaga geassáda Kristoffer ja dadjá: “mii biruid dál dáhpáhuvai?”. Adam beatahallá, ja suhtta ge, Kristoffer han searvvai dasa.

Reflektere dilálašvuoda birra bajábealde gažaldagaid vehkiin.

DILÁLAŠVUOHTA 4

Said ja Sofie leaba seamma skuvllas, ja soai leaba leamaš párran muhtun áiggi. Marjimus áiggiid lea Sofie háliidišgoahtán cummástallat ja njávkadit Saida skuvllas. Váccidettiin Said meattá doškestit su bahtii. Said mielas dat orru leamen hui unohas. Mo son galgá reageret?

Reflektere dilálašvuoda birra bajábealde gažaldagaid vehkiin.

DILÁLAŠVUOHTA 5

Hien ja Caroline áiguba anašit. Hienas lea kondoma mielde, muhto ii dieđe áibbas goas dan galgá roggat oidnosii. Son diehtá ahte Carolines leat eanet vásáhusat go sus alddis. Go son dan iđiha, de dadjá Caroline ahte soai eaba dárbbas geavahit dan. Hienas lea ovdal leamaš suddjekeahtes seksa, muhto son háliidivččii geavahit kondoma.

Reflektere dilálašvuoda birra bajábealde gažaldagaid vehkiin.

DILÁLAŠVUOHTA 6

Elle ja Joavna leaba stuorra heajain. Soai leaba cummástallan dan rájes jo go bođiiga, ja Joavna čárvugoahtá Elle gávttvuole. Elle mielas lea buorre njávkaduvvot, muhto son ii háliit su mannat badjelebbui. Son dadjá “ale”, ja duvdá su gieđa vuollelebbui. Joavna ain geahččaladdá, ja boagusta ja dadjá “mun dieđán don háliidat”.

Reflektere dilálašvuoda birra bajábealde gažaldagaid vehkiin.